

國初群雄事略

中華書局
（清）錢謙益撰

11.34-17/8-2

1048908



B0141057



國初群雄事略

〔清〕錢謙益撰

20/9/20

中華書局



國初群雄事略

[清]錢謙益撰

張德信^點校
韓志遠

*

中華書局出版

(北京王府井大街 36 號)

新華書店北京發行所發行

北京第二新華印刷廠印刷

*

850×1168 毫米 1/32·9⁸/₁₆·印張·2 插頁·211 千字

1982 年 9 月第 1 版 1982 年 9 月北京第 1 次印刷

印數 00,001—12,000 冊

統一書號：11018·1055 定價：1.15 元

出版說明

國初羣雄事略，錢謙益編撰。

錢謙益（一五八二—一六六四）字受之，一字牧齋，江蘇常熟人。萬曆庚戌進士。歷任翰林院編修、右春坊中允、詹事府少詹事、禮部右侍郎兼翰林院侍讀學士、禮部尚書等職。後降清，任內秘書院學士兼禮部侍郎，充明史館副總裁，僅任職六月，即告病回鄉閒居至死。

錢謙益一生著述頗多，國初羣雄事略即其中一種。此書對元末農民起義的史料，廣徵博引，使一些今已散失的資料得以保存下來。作者還對有疑問的史事及錯訛之處，附按語詳加校訂。它是研究元末明初歷史的一部重要史料。

本書絳雲樓藏書目稱開國羣雄事略，大約編撰於明天啟六年（一六二六年）前後，共十五卷。後有漢唐齋馬氏、蘭味軒莊氏藏鈔本（十五卷）、清鈔本（不分卷）、黃丕烈藏鈔本（十四卷）、張爾田藏鈔本（十四卷）、沈韻齋藏鈔本（十四卷）等。近人張鈞衡以馬氏、莊氏藏兩鈔本相互校訂，定為十二卷，收入適園叢書。

現以中國社會科學院近代史研究所藏沈韻齋鈔本為底本，參照清鈔本和適園叢書本加以標點校勘。在校勘過程中，對書中所引資料，其書尚存者，均取原書校核；所注資料出處不够詳明的，予以

查補。凡鈔本中因訛、舛、衍、脫而有乖文義者，加以改正，並作校勘記附在每卷之末。但編撰者略去的文字，不再補入。書中所引資料，原書今已散失者，用有關史料校勘，不動原文，只在校勘記中說明。對書中個別疑誤而不能斷定者，加注存疑。另外，將適園叢書本張鈞衡跋附後，以備參閱。

本書的標點校勘工作由張德信、韓志遠同志担任。錯誤和不妥之處，請讀者批評指正。

一九八〇年十二月

目錄

| | |
|--------------|-----|
| 國初羣雄事略序 | 一 |
| 卷之一 宋小明王 | 三 |
| 卷之二 滁陽王 | 四五 |
| 卷之三 天完徐壽輝 | 六四 |
| 卷之四 漢陳友諒 | 八七 |
| 卷之五 夏明玉珍 | 一二二 |
| 卷之六 周張士誠 | 一三八 |
| 卷之七 周張士誠 | 一六七 |
| 卷之八 周張士誠 | 一八八 |
| 卷之九 台州方谷真 | 二一〇 |
| 卷之十 汝寧李思齊 | 二三一 |
| 卷之十一 河南擴廓帖木兒 | 二四三 |
| 卷之十二 海西侯納哈出 | 二六八 |

目 錄

| | |
|-------------------|-----|
| 卷之十三 福建陳友定····· | 二八三 |
| 卷之十四 東莞伯何真····· | 二九七 |
| 附錄 適園叢書本張鈞衡跋····· | 三〇七 |

國初羣雄事略序

序錄開國羣雄，首滁陽、亳都者，何也？志創業也。數月而館甥，期年而別將，脫真龍於魚服之中，而借以風雷，傅之羽翼。滁陽之於聖祖，其亦天造草昧，有開必先者乎！元失其鹿，斬木揭竿，魚書狐呼之徒，汝、潁先鳴，淮、徐響應，濠城遙借聲勢，因緣起事，而滁陽位又在四雄之下。彭、趙，徐城之逋寇也，儼然踞坐堂皇，指揮奔走，所謂微乎微者也。滁陽既歿，孤軍無倚，假濠城之虛名，噓崖山之餘燼，用以部署東南，號令天下。定臺城，開吳國，建帝王萬世之業。日月出而燭火熄，於是龍鳳之君臣事業，風銷煙滅，杳然蕩爲窮塵，而淪爲灰劫矣。嗟夫！安豐之擐甲，寧逆耳于青田；瓜步之膠舟，終歸獄于德慶。漢祖天授，不諱受命于牧羊；光武中興，聊復稱帝於銅馬。用是繫以年月，疏其終始，倣司馬遷楚漢月表之意，俾後世有觀焉。昔張衡上書謂：「更始居位，光武初爲其部將，然後卽真。」宜以更始之號，建于光武之初。」然則龍鳳之號，或亦高皇帝之所不廢也。次倣天完，次倣漢，次倣夏，志割據也。次東吳，次慶元，志盜竊也。天命不僭，夷狄有君，故以擴闊、陳友定終焉。於乎！有元非暴虐之世，庚申非亡國之君也，惟其聰明自用，優柔不斷，權分椒塗，政出姦佞。寵賂於焉滋章，紀綱爲之委替。沙河之潰師，費以億萬，而敗將歸踞于臺端；高郵之圍寇，功在漏刻，而大軍立卸于城下。省院之駁議未決，而航海之寶賄直達于宮中；江淮之壁壘方新，而曠林之干戈相尋於閩外。馴至撫軍之院，朝設而夕

罷；講解之書，此奉而彼格。南討之詔旨甫出河北，而北征之師旅已擣燕南。然後仰觀乾象，而喟然知事之不可爲也，寧有及乎！詩不云乎：「殷鑒不遠，在夏后之世。」後之人主讀儀鑒之詩，而以庚申爲前車，雖與天無極可也。

書成後之十六年涂月朔，舊史官錢謙益謹敘

校勘記

〔一〕「然後卽真」，原本脫「卽」。後漢書卷五九張衡傳載：「……又更始居位，人無異望，光武爲其將，然後卽真。宜以更始之號，建

於光武之初。」據補。

國初羣雄事略卷之一

宋小明王

王名林兒，姓韓氏，其父山童，樂城人。「一」至正十五年二月，劉福通等迎立即位於亳，建國號曰宋，改元龍鳳，又號小明王。在位凡十有二年，丙午冬十二月歿於瓜埠。

至正十一年辛卯五月辛亥，潁州妖人劉福通作亂，以紅巾爲號，陷潁州。

初，樂城人韓山童，祖父以白蓮會燒香惑衆，謫徙廣平永年縣。「三」至山童，倡言天下大亂，彌勒佛下生，河南及江淮愚民皆翕然信之。福通與杜遵道、羅文素、盛文郁、王顯忠、韓咬兒等復鼓妖言，謂山童實宋徽宗八世孫，當爲中國主。福通等殺白馬、黑牛，誓告天地，欲同起兵爲亂。事覺，縣官捕之急，福通遂反。山童就擒，其妻楊氏，其子韓林兒逃之武安。元史順帝本紀。

先是，至正庚寅間，參議賈魯，以當承平之世，欲立事功，首勸丞相脫脫開河北水田，造至正交鈔，皆不克行。及河決南行，又勸脫脫求禹故道，開使北流，身專其任。瀕河起集丁夫二十六萬餘人，朝廷所降食錢，官吏多不盡支，河夫多怨。韓山童等因挾詐，鑿石人，止一眼，鑄其背曰：「莫道石人一隻眼，此物一出天下反。」預當開河道埋之。掘者得之，遂驚亂。是時，天下承平已久，法度寬縱，貧富不均，多樂從亂。不旬月，衆殆數萬人。葉子奇草木子

先是，庚寅歲，河南、北童謠云：「石人一隻眼，挑動黃河天下反。」及魯治河，果於黃陵岡得石人，一眼，而汝、潁妖寇遂乘時而起。胡粹中元史續編

至正十一年，濮州遂安童謠云：「挖了石佛眼，當時木子反。」是年秋，芝麻李稱王。

五月，潁州紅軍起，〔三〕號爲香軍，蓋以燒香禮彌勒得名也。其始出趙州樂城韓學究家，已而河、淮、襄、陝之民，〔四〕翕然從之。故荆、漢、許、汝、山東、豐、沛以及兩淮紅軍皆起應之。起潁上者，推杜遵道爲首，破成皋，據倉粟，從者數十萬，陷汝寧、光、息、信陽。起蘄、黃者，宗彭瑩玉和尚，推徐貞逸爲首，陷德安、沔陽、安陸、武昌、江陵、江西諸郡。起湘、漢者，推布王三、孟海馬爲首。〔五〕布王三號北鎖紅軍，奄有唐、鄧、南陽、嵩、汝、河南府；孟海馬號南鎖紅軍，奄有均、房、襄陽、荆門、歸、峽。起豐、沛者，推芝麻李爲首。庚申外史

韓山童詐稱徽宗九世孫，僞詔略曰：「蘊玉璽於海東，取精兵於日本。貧極江南，〔六〕富誇塞北。」蓋以宋廣王走崖山，丞相陳宜中走倭。託此說以動搖天下，當時貧者從亂如歸。朝廷發兵誅之，雖卽擒獲，而亂階成矣。草木子

十二年五月，監察御史徹徹帖木兒等言：「河南羣盜輒引亡宋故號以爲口實，宜以瀛國公子和尚趙完普及親屬徙沙州安置，禁勿與人交通。」從之。元史

壬申，命同知樞密院事禿赤以兵討劉福通，授以分樞密院印。

朝廷聞紅巾起，命樞密院同知赫廝禿赤領阿速軍六千，并各支漢軍，討潁上紅軍。阿速者，綠

睛回回也，素號精悍，善騎射，與河南行省徐左丞俱進軍。三將沉湎酒色，〔七〕軍士但以剽掠爲務。赫廝軍馬望見紅軍陣大，揚鞭曰：「阿卜，阿卜者，言走也。於是所部皆走。至今淮人傳以爲笑。其後，赫廝死於上蔡，徐左丞爲朝廷所誅。阿速軍不習水土，病死者過半。」庚申外史

劉福通據成臯，攻破羅山、上蔡、真陽、確山，遂犯舞陽、葉縣等處。

六月，汴梁路同知黃頭守項城縣，〔八〕被執，不屈死。時尚乘卿那海戍項城，謂子伯忽都、姪阿刺不花等曰：「狂賊新執黃頭，勢驍突甚，與其坐斃，孰若進討。苟天未厭亂，吾一門不忝卜尚書矣。」伯、阿等曰：「大人誓許國，兒輩何愛死！」遂力戰，多所殺獲，卒以援絕，咸死之。七月，安東萬戶朶哥、千戶高安童並中流矢死潁州。〔九〕王逢死節詩後序

西臺御史張桓謝職居確山縣，賊久知桓名，襲獲之，羅拜，請爲帥。弗聽。囚六日，仰天詈叱，屢唾賊面。賊知終不可屈，遂刺之。元史

妻孥九人并遇害。王逢序

八月丙戌，蕭縣李二及老彭、趙君用反，攻陷徐州。趙君用，太祖實錄作趙均用。

李二號芝蔴李，亦以燒香聚衆而反。芝蔴李，邳州人也。值歲饑，其家惟芝蔴一倉，盡以濟人，故得此名。賈魯挑黃河，所在廢業，芝蔴李與隣人趙君用謀起事，曰：「朝廷多事，百姓貧苦無告，吾聞潁上香軍起，官軍無如之何，此男子取富貴之秋也。」君用者，趙社長也。謂李曰：「我所知某人、某人可用，燕城南彭二勇悍，有膽畧，我當爲汝致之。」乃往，人門見其方礪斧斤，問之曰：「汝

將何爲？彭二應曰：「官府不足靠，日夜伺州縣賑濟，饑無所得，將伐薪入城換米喫耳。」君用呵之曰：「好男子，何處不得一頓飽飯喫耶！汝能從我，豈但衣食而已，富貴由汝。」彭二卽解其意，應曰：「其中有芝蔴李乎？」君用曰：「然。」遂引見芝蔴李，因得八人，歃血同盟。八月十日，僞爲挑河夫，夜投徐城。留城中，門卒拒之，曰：「我挑河夫也。借一宿何傷？」其半因突入，其半在外。夜四更，城內焚四火，城外亦焚四火應之。既而復合爲一，城內外吶喊相應，城內四人奪軍仗斬關，城外四人突入，同聲叫殺。民皆束手從命。天明，樹大旗募人爲軍，從之者近十餘萬。造浮橋四出掠地，奄有徐州近縣及宿州五河虹縣豐沛靈璧西并安豐濠泗。事聞，朝廷省吏抱牘題曰「謀反事」。脫脫觀其牘，改題曰：「河南漢人謀反事。」識者知元不復能有天下矣！河南漢人可盡誅乎！其後，張士誠起淮海，趙明遠起徐州，毛貴起山東，明元帥起四川。獨本朝龍興淮南，即以建康爲天下根本。先是，童謠曰：「富漢莫起樓，貧漢莫起屋，但看羊兒年，便是吳家國。」迨本朝定都建康，築郊壇於南門，郊天受命，改至正二十七年爲吳元年，實丁未也，豈不驗哉！庚申外史
蘄州羅田縣徐貞一，名壽輝，與麻城人鄒普勝等以妖術陰謀聚衆，遂舉兵爲亂，亦以紅巾爲號。九月，劉福通陷汝寧府及息州光州，衆至十萬。

福通攻汝寧。九月，汝寧知府完哲、府判福祿獲圖連抗十日，城垂陷，仰天呼曰：「臣等義不辱！」竟投水中。王逢詩序

壬子，命御史大夫也先帖木兒知樞密院事，及衛王寬徹哥總率大軍出征河南妖寇。

汝、潁之間妖寇聚衆反，以紅巾爲號，襄、樊、唐、鄧皆起而應之。脫脫乃奏以弟也先帖木兒爲

知樞密院事，將諸衛軍十餘萬討之。元史脫脫傳

十月，命知樞密院事老章以兵同也先帖木兒討河南。

十二月辛丑，也先帖木兒復上蔡縣，擒韓咬兒等至京師，誅之。

十二月，宣徽院使帖木兒、河南萬戶察罕，相繼麀死南陽卧龍岡下。王逢詩序

是月，布王三陷鄧州、南陽。〔二四〕庚申外史

至正十二年壬辰正月，命遼魯曾爲淮東添設元帥，統領兩淮所募鹽丁五千討徐州。

淮東元帥遼善之上言：「官軍不習水土，宜募場下鹽丁，可以攻城。」又有淮東豪民王宣亦上

言：「鹽丁本野夫，不如募城墅趨勇慣捷者，可以攻城。」前後各得三萬人，皆黃衣、黃帽，號曰黃軍。

脫脫用以攻徐州，一鼓克之。庚申外史

正月，孟海馬陷襄陽，徐真逸陷湖廣。庚申外史

二月乙亥朔，定遠人郭子興、孫德崖及俞某、魯某、潘某等起兵，自稱元帥，攻拔濠州，據其城

守之。

是年正月，定遠縣富民郭姓者，燒香聚衆，稱亳州制節元帥，起定遠縣。二月二十六日克濠

州，三月初二日克曹縣。俞本皇明記事錄

三月壬子，河南左丞相太不花克復南陽等處。

太不花，弘吉刺氏。〔五〕時老章出師久無效，詔太不花將兵往代之。未期月，平南陽、汝寧、唐、隨，又下安陸、德安等路，軍聲大振。〔元史太不花傳〕

脫脫調太尉阿吉刺攻汝寧。〔六〕汝寧紅軍懼，退保亳州。阿吉刺攻平汝寧城。〔庚申外史〕辛酉，命親王阿兒麻以兵討商州等處賊，以鞏卜班知行樞密院事。

赫廝既死，朝廷別命平章鞏卜班爲將，領侍衛漢軍，合愛馬韃靼軍，合數萬衆屯汝寧沙河岸，日夜沉溺酒色，醉卧不醒。敵人偷營，遽失大將所在。次日閱死人，得其屍死人中，軍遂退數百里，屯項城縣。〔庚申外史〕

閏三月甲戌，大明太祖高皇帝起兵，入於濠州。也先帖木兒駐軍沙河，軍中夜驚。軍潰，退屯朱儗鎮。

也先帖木兒總精兵三十餘萬，〔七〕金銀布帛，車數千輛，河南、北供億計億萬，駐軍沙河。未及兩月，軍中夜驚，也先盡棄軍資、器械、糧運，〔八〕車輛山積，僅收散卒滿萬人，直抵汴城下。時文濟王在城頭，遙謂之曰：「汝爲大將，見敵不殺，何故自潰？吾將劾汝，此城必不容汝也！」遂離城四十里朱仙鎮屯焉。朝廷乃命平章蠻子代之。〔庚申外史〕

也先帖木兒盡棄軍資器械，北奔汴梁，收殘卒，屯朱仙鎮。朝廷以爲不習兵，命別將代之。也先帖木兒徑歸，昏夜入城，仍爲御史大夫。〔元史脫脫傳〕

詔四川行省平章政事咬住以兵東討荆襄賊，克復忠、萬、夔、雲陽等州。四月，復歸州，進攻峽州，

誅賊李太素等，遂平之。

五月，答失八都魯到荆門募兵，趨襄陽，與賊戰，大破之。

十一年，特除答失八都魯爲四川行省參知政事，從平章咬住討賊於荆襄。咬住兵既平江陵，答失八都魯請自攻襄陽，進次荆門，賊十萬，官軍三千餘，遂用宋廷傑計，招募襄陽官吏及土豪避兵者，得義丁二萬，編排部伍，敗賊於蠻河。進至襄陽城南，大戰，生擒僞將三十人，腰斬之。賊閉門不復出。乃相視形勢，內列八翼，包絡襄城，外置八營，軍峴山、楚山，以截其援。自以中軍四千據虎頭山，以瞰城中。城中之人縋城爲內應，五月朔日破之。僞將王權領千騎西走，遇伏兵，被擒，襄陽遂平。元史答失八都魯傳

九月，太傅、中書右丞相脫脫總兵復徐州，屠其城，芝蘇李遁走。

紅巾芝蘇李據徐州，脫脫請自行討之。九月，師次徐州，攻其西門。賊出戰，以鐵翎箭射其馬首，脫脫不爲動，麾軍擊之。賊城堅，不可猝拔。用也速計，以巨石爲礮，晝夜攻之，賊困莫能支，也速攻入其外郭。明日城破，芝蘇李遁去。獲其黃纛旗鼓，燒其積聚，追擒僞千戶數十人，遂屠其城。詔卽軍中加脫脫太師，趣還朝。元史脫脫、也速傳

芝蘇李據徐州，元命脫脫總番，漢兵數十萬平之，改爲武安州。皇明紀事

脫脫平徐州，以得芝蘇李奏功。月餘始獲芝蘇李，械送京師，脫脫密令人就雄州殺之。庚申

外史

趙君用、彭祖住率餘黨奔濠州，脫命賈魯追擊之。龍飛紀畧

按彭祖住，實錄作早住，彭大之子也。奔濠州者，當爲彭大，其辨詳見滁陽事略中。

察罕帖木兒與李思齊同起義兵。

察罕帖木兒系出北庭，家河南，爲潁州沈丘人。幼篤學，嘗應進士舉。身長七尺，修眉覆目，左頰有三毫，或怒則毫皆直指。居常慨然有當世之志。至正十一年，盜發汝、潁，不數月，江淮諸郡皆陷。朝廷徵兵致討，卒無成功。十二年，察罕帖木兒乃奮義起兵，沈丘之子弟從者數百人。與信陽之羅山人李思齊合兵，同設奇計襲破羅山。事聞，朝廷授察罕帖木兒中順大夫、汝寧府達魯花赤，李思齊知汝寧府。於是，所在義士俱將兵來會，得萬人，自成一軍，屯沈丘，數與賊戰，輒克捷。元史察罕帖木兒傳

潁州沈丘探馬赤軍察罕帖木兒，與羅山縣典史李思齊集衆號義兵，克復羅山，朝廷授察罕羅山縣達魯花赤，李思齊縣尹。上曰：「人言國家輕漢人，如此果輕漢人也。」下吏部再議，於是察罕授汝寧府達魯花赤，思齊知府。庚申外史

至正十三年癸巳五月壬午，元將賈魯卒於濠州軍中，元兵解圍去。

十二月，陝西平章政事孛羅、四川行省右丞答失八都魯復均、房等州，詔孛羅等守之。

九月，答失八都魯率兵畧均、房、平穀城，攻武當山寨數十，獲僞將杜將軍。十二月，趨攻峽州，破僞將趙明遠木驢寨。十四年正月，復峽州。元史答失八都魯傳